

類

焦

類傳卷第二十五

勾吳虛舟鄭若庸

山東按察司副使古虞百樓鍾 穀

戶部陝西司主事西蜀少川王用禎

戶部福建司主事古粵礪山鍾 昌

工部營繕司員外四明夢寐張大器 同閱

臨清州知州古完呂珩 校正

太學生汪珙校梓

仙佛類

佛釋

**石義**

群書要語云浮屠佛也漢言覺也將以覺

悟群生也

**佛生**

晉宋周隋書云佛生周莊王七

年四月八日常星不見至匡王五年七十九歲  
死於拘尸那城雙林下葬回鹿山又傳燈錄云  
周昭王二十四年釋迦佛生刹利王家放大智  
光明照十方世界雙手拈天地作獅子吼聲十  
九出家號天人師住世四十九年傳衣與摩訶  
迦葉自一祖傳至三十二祖弘忍**大聖**大宰詔  
問孔子曰夫子聖人歟曰丘博識彊記非聖也

又問三王曰三王善用智勇聖非所知又問五  
帝曰五帝善用仁義聖非所知又問三皇曰三  
皇善用時聖非所知太宰曰孰為聖曰丘聞西  
方有大聖人不治而不亂不言而自行不化而  
自行蕩蕩乎人無能名焉**金人**後漢書云漢明  
帝夢金人飛空而下傅毅曰西域之神其名曰  
佛今陛下所夢將是乎乃使蔡愔等徃天竺尋  
訪佛名由是化流中國獨楚王英最先好之**音**

**灌**

心經注云梵語菩薩此云覺梵語薩埵此云

有情本云菩提薩埵言菩薩省文耳佛有覺性而無情菩薩未免有情故云**涅槃**又云涅槃言

無為也乃不生不死之地一切修行之所依歸人以爲死非也**彼岸**又云梵經云波羅密多此

言到彼岸也謂衆生輪迴作業之地如在海中

到今彼岸也**法要**傳燈錄云法要有三戒定慧

也戒生定定生慧慧生八萬四千法門迭爲用

也**六通**華嚴經云一天眼二天耳三天心四宿

命五神足六滿盡**五禪**晁迥道院集云有凡夫

禪有外道禪有小乘禪有大乘禪有最上乘禪

**五蘊**

又云五蘊即五陰謂色受想行識也

**六塵**

頭陀寺碑文云六塵謂色音香味觸法

**六入**

又

云眼入色耳入聲鼻入香舌入味身入觸意入

法

**八風**要覽云利衰毀譽譏稱苦樂是也寒山

子詩八風吹不動

**四諦**

心經註云苦集滅道是

也經云見苦斷集因滅修

**五濁**

彌陀經云劫濁

見濁煩惱濁衆生濁命濁

**三昧**

金剛經云譬如

大樹叢生故僧住處得名叢林

**三昧**

佛言雜記

云言一卽有二遂至於三言三卽昧在其間友  
復存之而已道言貞一儒言致一佛言三昧其  
義通也

**三藏**

謂經律論三者摠名

**四大**

圖覺經

云我今此身四大和合謂毛髮爪齒皮肉筋骨  
腦髓垢色皆歸於地唾涕膿血涎沫津液痰淚  
精氣大小便利皆歸於水煖氣歸火動靜煇風  
四大各離今者妄身當在何處

**建寺**

漢明帝以

攝摩勝自西域以白馬馱經來初止鴈廬寺後  
立精舍於東都門外遂名白馬寺卽俗寺之始

也。**般若**梵語云般若此言智慧也。清涼禪師云

般若者苦海之慈航昏衢之巨燭也。**祇園**金剛

經云祇陀太子施樹為佛說法之處故名祇園

**寶坊**鷄跖集云給孤長者布黃金地為伽藍故

寺宇號為寶坊。**奈苑**又云昔西域國有奈樹生

果中有一女子王收為妃乃以苑地施佛為伽

藍故曰王奈苑。**三靈**古禪師語錄云一為子自

己身輪迴生死二為紹隆三寶三為六道四生

皆為解脫。**亦為**要覽云西天草名體性柔軟引



蔓傍布聲香遠聞能療疾不背日光喻出家人

**沙彌**

又云落髮後稱沙彌也華云息慈謂安息

在慈悲之地又謂息惡行慈也

**沙門**

又云沙門

那或云桑門唐言勤息

**招提**

即今十方住持寺

也

**淨圖**

梵云淨圖此言衆相

**不二**

文殊謂維摩

詰曰何等是不二法門維摩詰默然不應文殊

曰善哉乃至無有文字言語是真不二法門也

**四恩**

大乘本生經云恩有四種一父母二師長

三國主四施主

**僧伽**

又云僧伽唐言衆僧凡四

人。以上名僧。今一人亦稱僧。猶二千五百人爲  
軍。一人亦稱軍。比也。又云比丘。秦言乞士。謂上  
於佛乞法資益。惠命下於施主。乞食資益色身  
**淨土**。文粹云。西國名淨土。以無三毒五濁業故  
也。**禿刹**。要覽云。即耨耜也。沙門得一法者。便當  
建耨耜告四遠。**如來**。道院集云。本覺。而如今覺。爲  
來。**檀那**。唐言施主也。**南無**。慈悲注云。師言南無  
者。此決定諸世尊名號。是歸趨之義。**慧劍**。維摩  
經曰。以智慧劍。破煩惱賊。**戒珠**。法華經云。精進

修淨戒猶如護明珠

**達磨**

傳燈錄云達磨自天

竺國泛海見梁帝帝問曰朕造寺捨經不可勝  
數有何功德師曰但小果有漏之因如影隨形  
雖有非實師知不契潛上嵩山少林寺面壁九  
年端居而逝後米雲奉使西域遇師於葱嶺手  
携隻履翩翩而逝雲復命具奏其事帝令啓墳  
唯空棺隻履存焉

**上人**

有過能自改名上人內

有德智外有勝行在人之上名上人

**闍梨**

梵語

云阿闍梨耶唐云軌範今稱闍梨蓋梵音訛畧

也又云阿闍梨夜隋云正行能糾正弟子行故

**頭陀**

梵語云杜多漢言抖擻謂三毒如塵分玉

真心此人能捨揮除去故人訛稱頭陀又抖擻  
貪慾嗔癡三界內外不敢不捨名杜多

**摩訶**

在

羅柰國佛成道初轉法輪處也

**羅園**

在摩竭陀

國無憂王造小舟人衆出家寺也佛滅後衆名

德比丘皆住雞園

**雁塔**

西域記者有比丘見群

鴈飛翔一鴈投下自殞衆曰此鴈垂戒宜族彼  
德于是瘞鴈建塔

**象龍**

傳燈云龍象水行中龍

力大陸行中募力大故負荷大法者比之象龍

**慈雲**

雞跖集謂如來慈心如彼大雲陰

**伽藍** 梵

語題云僧伽藍摩此云衆園園者生植之所佛弟子居之取生植道本聖果之義

**伽藍**

梵言伽

陀此言諷誦

**解脫**

觀四維上下不見身不見心

乃心離名守身等定界法因夢幻無得無誕然

後謂之解脫

**真如**

馬師云真如有變易善知識

能回三毒為三聚淨戒回六賊為六神通回煩惱作菩提回無明作大智若無變易是外道也

**鏡**

傳燈錄云有僧神秀書偈曰身是菩提樹

心如明鏡臺時時勤拂拭莫遣有塵埃有居士  
盧慧能密於偈倒寫云菩提本非樹心鏡亦非  
臺本來無一物何假拂塵埃師乃傳法於能

**磚**

又云讓禪師一日在馬祖庵前磨磚祖問要

作甚麼讓云欲得成鏡祖云磚豈能成鏡讓曰  
磚不得成鏡坐禪豈得作佛耶馬祖因此大悟

**幡**

又云有二僧對話一云幡動一云風動六

祖曰風幡非動動自心耳

**孟蘭**

樓覽云孟蘭此

云救倒懸盆則此方器也華梵雙舉自目連救  
母始也

**白足**

雞跖集云佛陀卯舍赤髭善解毗

耶沙高僧澤曇足白於面足曰白足和尚又魏

武帝時有一僧足白名思始號曰白足禪師故

劉禹錫送僧云備將迎者皆赤髭白足之侶

**僧**類說云杜鴻漸自蜀施千僧縉紳効之病甚

令僧剃髮遺命依浮圖不為封州

**還俗**

賈島初

為浮屠愈因教其為文遂去浮屠舉進士

**奉親**

張策少落髮黃巢亂乃返初服奉父母以避亂

**福尼**

事物記原云漢明帝既聽劉峻出家又聽

洛陽婦女阿潘等出家此中國為尼始**釋名**大

藏一賢云女曰優姿夷又曰尼**武氏**高宗傳太

宗崩武氏隨衆感業寺為尼**捨宅**事物記原晉

何充始捨宅安尼又晉司徒王珉捨宅為虎丘

寺**起寺**南郡新書云王縉為相為妾起感應寺

華麗無比頗為識者所笑**毀寺**本紀云唐武宗

惡僧尼耗蠹欲去之乃毀寺四千六百餘區歸

俗僧尼二十六萬五百人**募錢**唐武后欲造大



像使天下僧尼曰出一錢以助**窟室**宋元嘉中

魏主討蓋吳至長安佛寺從官入室見下有兵器白命有司閱其財產以萬計又為窟室以處婦女崔洗說帝悉誅天下沙門唯塔廟在魏境者無復子遺

**卓錫**

舒州潛山之麓尤勝誌公與

白鶴道人歆之同謀於梁武帝帝俾各以物識其地鶴先飛去至麓忽聞空中錫然卓於山麓道人不懈然以前言不可食各以所識築完焉

**上方**

常琮侍煬帝遊寶山帝曰幾時到上方琮

曰昏暗應須到上方頭左右大笑帝曰淳古君子也

**方丈**

唐顯慶中王玄策使西域有維摩居士石室以手板縱橫量之得十笏故名方丈

**鑿**

**像**五代周世宗時中國乏錢乃悉詔毀天下銅佛像以鑄嘗曰吾聞佛說身世爲妄以利人爲急使真身尚在猶欲割截况此銅像豈其所惜

**溺佛**

本記梁武帝溺信佛道凡三捨身日止一

膳豆羹糲飯而已身衣布衣侯景亂以所求不供崩於淨居殿

**金像**

梁記魏作永寧寺有金像

高丈八尺者一如中人者十三九層浮屠掘地  
下及黃泉高十九丈上刹後後高十丈夜靜鈴  
鐸聲聞十里**佛骨**憲宗使使者往鳳翔迎佛骨  
王公大人奔走諷俱至為夷法灼體膚委珍寶  
騰踏於路韓愈惡之乃上表諫貶潮州**香山**本  
傳白居易晚惑浮屠經月不食葷與香山僧如  
滿結香山社白衣鳩杖自稱香山白居士**演澤**  
宣宗嘗曰裴休真儒者然嗜浮屠不御酒肉演  
澤數萬言當世嘲薄之而所好不衰**佛牙**五代

史云有僧遊西域得佛牙獻明宗以示大臣趙鳳言世傳佛水火不能傷請驗真偽以斧斫之應手而碎是時宮中施物已及數千因鳳碎之乃止**免刑**江南野錄云李後主酷好淨屠退與后頂僧伽帽衣袈裟誦經親為沙門削作廁簡僧犯姦後主令禮佛三百拜**免刑****釋**晉道安授業於佛圖澄姓帛氏易以釋為姓道安具習鑿齒自稱彌云釋道安**入釋**高僧傳晉惠遠住廬峰龍泉精舍刺史桓伊又於山東立房殿即

東林也絕塵清勝之賓不期而至彭城劉遺民  
豫章雷次宗鳩門周續之新蔡畢頴之南陽宗  
炳等凡百有二十三人並弃世遺榮依遠遊止  
以香担滿明入白蓮社陶曰若許飲即往矣遠  
許之遂造焉因勉令入社陶攢眉而去○謝靈  
運求入淨社遠以心雜止之范甯在豫章師請  
入社范不能從虎溪靈山記云遠居廬阜三十  
年不出山送客過虎溪輒鳴號昔陶元亮居栗  
里山南陸修靜亦有道之士遠送二人與語道

令不覺過之相與大笑世傳三笑圖**寄宿**高僧  
薨戒行嚴潔有一女寄宿自稱天女以上人有  
德天遣我來勸勉羗執意貞確曰吾心若死灰  
無以葦囊見試女乃凌雲而逝顧曰海水可生  
湏彌可傾彼上人者秉心堅貞**受妓**鳩摩羅什  
姚王以妓女逼令受之乃自講說譬如臭泥中  
生蓮花但取蓮花勿取臭泥**慧琳**宋文帝以慧  
琳善談論與議朝廷大政孔顛曰遂有黑衣宰  
相可謂冠履失所矣**瓶鉢**守清禪師有僧問末

後可師曰塵中人自老天際月常明問如何是

和尚家風曰一瓶煎一鉢到處是生涯問佛法

大意曰擾擾忽忽晨雞暮鐘石室無業國師曰

看他古德道人得意之後茆茨石室向拆脚鐺

子煮飯喫過三二十年龍泉道林禪師初至秦

皇山見長松蟠座如蓋遂棲止其下後有鵲巢

其側人目為鵲巢和尚太守白居易入山曰師

住處甚危險師曰太守危險尤甚曰弟子住鎮

山何險之有曰心火相交識性不停得非險乎

又問佛法大意師曰諸惡莫作衆善奉行白曰  
年歲孩兒也解恁麼道師曰三歲孩兒信道得  
八十老人行不得禪影李翱為朗州刺史問樂  
山雅懺禪師如何是道師曰雲在水在瓶翺  
作偈曰鍊得身形似鶴形千株松下兩函經我  
來問道無餘話雲在青天水在瓶鉢神鎮禪  
師見絳子投紙窓中求出師曰世界如許廣濶  
不肯出鑽他故紙進步招賢大師偈曰百尺竿  
頭不動人雖然得入未為真百尺竿頭須進步



十方世界是全身  
**紗籠**又王播孤貧客揚州木

蘭院隨僧齋粥僧厭苦之飯後擊鐘題詩於壁  
云上堂已了各西東慙愧聞梨飯後鐘後紀出

鎮是邦向所題已碧紗籠之矣乃續三十年來

塵撲面於今始得碧紗籠  
**十喻**鳩摩羅什十喻

詩曰十喻以喻空空必待此喻借言以會意意

盡無會處既得出長羅住此無所住若能映斯

照萬象無來去  
**窟庵**杜甫題嶽麓道林二寺詩

玉泉之南麓山殊道林二壑爭盤紆寺門高開

洞庭野殿脚插入赤沙湖  
**法鼓**謝靈運詩曰清

霄點浮烟空林響法鼓  
**胡僧**李白胡僧歌云聞

有胡僧在太白蘭若去天三百尺一持楞伽入  
中峰世人難見但聞鍾窓邊錫杖解兩虎床下  
鉢盂乘一龍草衣不針亦不線兩耳垂肩眉覆  
面此僧年紀那得知手中青松今十圍心將流  
水曰清淨身與浮雲無是非商山老人已曾識  
願一見之何由得山中有僧人不知城裡看山  
空黛色  
**楚雲**溫庭筠詩云松根滿苔石盡日閉

禪關有伴年年月無家處處山

**心了**

杜荀鶴贈

僧詩云名門利路兩何憑百歲風前短焰燈只  
恐為僧心不了為僧心了慙輸僧

**仙宮**

郭功父

金山行云金山杳在滄溟中雪崖冰柱浮仙宮  
乾坤扶持自今古日月彷彿經西東寒蟾八月  
蕩瑤海秋光上下磨青銅烏飛不盡暮天碧漁  
歌忽斷蘆花風云云

**水國**

張佑金山寺詩云一

宿金山寺微茫水國分僧歸夜禪月龍出曉堂  
雲樹影中流見鍾聲兩岸聞因悲在朝市終日

醉醺醺

**月新**

孫魴金山寺詩云萬古波心寺金

山名日新天多利得月地小不生塵櫓過妨僧

定驚濤濺佛身誰言張處士題後更無人

**空韻**

張祐題東山寺云僧宅何人在空門客自過泉

聲到池盡山色上樓多

**天台**

杜荀鶴題天台

寺云一到天台寺高低累旋生共僧巖上坐見

客海邊行

**漁西**

周繇登甘露寺詩云盤山上幾

層峭壁半垂藤兩殿朝僧寺龕禪外國孫

**碧岑**

張祐題孤山之寺云樓臺聳碧岑一徑入湖心

不雨山長潤無雲水自陰  
**雲山**白居易遊西虎

丘云不厭西丘寺閑來即一過舟船轉雲島樓

閣出烟亭  
**高林**常建破山詩云清晨入古寺初

日朗高林竹逕通幽處禪房花木深山光悅鳥

性潭影空人心萬籟此俱寂但餘鍾磬聲  
**寒殿**

司空曙過寶慶寺詩云黃葉前朝寺無僧寒殿

開池晴龜出曝林暮鶴飛來  
**九層**劉禹錫登雲

樓寺塔詩云步步相携不覺難九層雲外倚闌

杆忽然笑語半天上無限遊人舉眼看  
**鸞嶺**詩

話云宋之問遊靈隱夜吟云鷲嶺鬱蒼蒼龍宮  
隱寂寥久不能續老僧曰何不道樓觀滄海月  
門對浙江潮桂子月中落 天香門外朝暉明  
僧不見人以爲齊賓王也 **晏安** 杜甫詩不見旻  
公三十年封書寄與淚潺湲碁局動隨秋澗水  
架娑安憶泛湖船 **知見** 義權詩不踐紛華域來  
薰知見香 **真宅** 白居易詩云劫風火起燒真宅  
苦海波生蕩破舟 **金繩** 李白詩云金繩開覺路  
寶筏渡迷川又花柳色不染水與心俱閑 **蘭若**

杜甫詩巫山不見廬山遠扣林蘭若秋風晚一  
老猶鳴日暮鍾諸僧尚乞齋時飯

仙

**仙道**

釋名云老而不死曰仙仙遷也遷入山故

制字人傍山

**木公**

仙傳拾遺云又名東王公青

陽元氣也道氣自然先以東華至貞之氣化生  
木公以主陽和又以西華至妙之氣化生金母  
配西方母養群品男子得道名諫木公女子得  
道名諫金母又王母所居崑崙之圃閭風之苑

有城千是玉樓十二左帶瑤池右環翠水  
**尸解**集仙錄云尸解不同有如生人者有足不青皮  
不皺者有目光不落者有死而更生者有未歛  
而失其尸者有髮脫而形飛者白日爲上夜半  
爲下曉暮爲地下主**問道**莊子云昔黃帝問廣  
成子在崆峒得道徃而問曰聞子達于至道何  
以長生廣成子曰至道之精窈窕冥冥至道之  
極昏昏默默無視無聽抱神以靜形將自正必  
靜必清無勞爾形無搖爾精乃可以長生

**問**



史黃帝鑄鼎于荆山既成有龍垂髯下迎帝上  
騎群臣后宮從上者七十餘人小臣不得上乃  
悉持龍髯龍髯拔墮帝弓故後世名其處曰鼎  
湖弓曰烏號**赤松**列仙傳云赤松子神農時爲  
雨師服水玉教神農能入火自燒至西王母石  
室隨風雨上下至高辛時爲雨師**偃佺**又偃佺  
采藥父也好食松實體毛數寸飛行逐走爲以  
松子遺堯堯不服時受服者皆三百歲**彭祖**又  
彭祖諱鏗帝顛頊玄孫放之末七百餘歲以養

神活生爲事王聞之以爲大夫不就**老子**列仙傳云姓李名耳母懷八十一歲剖母左腋而出而白首故爲老子又云母於李樹下生生而能言指李爲姓老子美眉廣頰長耳大目日角月底耳有三門足蹈三五手把十文周武王時爲柱下史世見其久壽故號老子**尹喜**內傳云關令尹喜周大夫也母嘗夢絳綃流繞其身及生家陸地自生蓮花有天人之貌善於天文秘諦老子感焉○又尹喜爲函谷關吏忽語其徒

曰里客西行貫昴融風三至東方真氣西度大  
聖之徵果見老子乘青牛度關喜拜之授以三  
宮正一之法道德經五千言而去

**乘鶴**

列仙傳

云王子喬周靈王太子晉也好吹笙作鳳凰鳴  
浮丘公接上高山後于山見桓良曰告我家七  
月七日待我于緱山果乘白鶴舉手謝時人數  
日而去

**奕母**

又衛叔卿服雲母得仙其子度世

偏遊山海求見其父與數人博戲問曰此爲誰  
曰洪厓先生許由巢父王子晉也我有仙方在

屋柱下度世婦掘之乃五色雲母石也服之仙

**去蕭史**

又蕭史秦時人善吹蕭王有女名弄玉

好之遂妻焉教弄玉吹蕭作鳳鳴有鳳至乃作

鳳臺一夕吹蕭鳳集俱乘仙去

**鬼谷**

又鬼谷晉

平公時人隱居鬼谷在世數百歲不知所之

**琴高**

**高**又琴高趙人也以鼓琴爲王舍人後辭入涿

水中取龍子與弟子期之曰可潔齋候於水旁

設祠屋果乘赤鯉來萬人觀之留月餘復入水

**去賣藥**

又安期生賣藥海邊時人皆言千歲公

始皇請見賜金壁數萬皆置而去以赤鳥一兩以報曰後千歲求我于蓬萊山始皇遣使入海輟風濤還立祠祀之

**盧轂**

又盧轂遊北海至蒙

轂遇一士異狀迎風而舞見轂乃遁于碑下轂往視之方捲龜殼而食蛤蜊轂曰可與轂爲友乎士笑曰吾與汗漫遊于九垓之上乃舉臂聳身直入雲中轂仰視曰吾比天子猶黃鵠與壤虫之終日行不離咫尺而自亦爲遠不亦悲哉秦皇召爲博士使求仙

**沈羲**

又沈羲將飛昇忽

有白鹿青龍車羽衣持節以青玉界丹玉版拜  
為碧落侍郎**李根**又李根閉目瞳子皆方仙經  
云八萬歲則瞳子方**又**王次中變象為隸  
始皇召之不至將殺之化為大鳥推翼而起使  
者拜曰無以復命恐見誅乃以三大鬮墮與使  
者因名落**翻****又**蓊子訓有道術至京師諸  
貴人多邀皆許某日日午當往是日二十三處  
皆見衣服議論如一後有人見於東壩與一老  
公摩銅人頂曰適見鑄此已五百歲**少君**內傳

云少君好道入太山採藥遇安期時少君疾甚與神棲散服之即愈乃上言傾成白銀砂成黃金服之白日昇天等語上甚尊敬為立屋第

**選**又封君達服水銀百餘年如二十者常乘青

牛道上有病死者便以竹管中藥與服或下針

應手皆愈不言姓名**選**又紫陽真人因義山

求道於蒙山遇羨門子乘白鶴執羽蓋侍從十

余玉女君再拜乞長生要訣羨門子曰子名在

丹臺玉室之中何憂不仙**長房**又費長房為市

掾有老翁賣藥掛一壺於肆頭市罷輒入壺中  
人莫之見長房於樓上見之往奉酒脯乃與俱  
入壺中共飲畢而出曰子寧相隨乎從翁入深  
山見群虎不恐又於臥室以朽索懸萬斤石於  
心上衆蛇噬索且斷房亦不移翁撫之曰子可  
教矣復令食糞糞中三虫臭穢特甚房亦惡之  
翁曰子幾得道恨于此不成長房辭歸與一竹  
杖曰騎此任所之既至可投葛陂中遂乘杖須  
臾來歸杖投葛陂則龍也遂能鞭笞百鬼驅使



社公

**伯陽**

又魏伯陽與弟子三人入山煉丹既

成乃曰先宜與犬試之犬即死伯陽服之入口  
即死子弟服之亦死餘二弟子不服乃共出山  
後伯陽自起將丹內弟子及犬口中皆起遂仙  
去後作參同契以論作丹之意**道陵**內傳漢張  
道陵於天目山得道善以符治病後於靈峯白  
日昇天唐天寶七年封其子孫唯信州得一人  
襲其號傳其印印之所異累紙百幅丹文必徹  
也

**王遠**

總仙集云王遠字方平老君賜之七轉

變景靈符位為總真真人嘗七月七日過萊經  
家仙從赫奕如大將軍狀教以尸解法**承禎靈**  
笈經曰唐司馬承禎隱天台山有弟子焦靜禎  
女人也因精思聞有人導至方丈遇二女仙問  
曰子欲為真官可謁東華青童道君授三皇法  
請名氏則承禎也乃歸而詣承禎**許遜**本傳云  
許遜與族子穆俱學道遜為旌陽縣令棄官後  
得仙又晉元帝時忽有仙人瓊丘仲奉玉皇命  
授以九州都仙太史舉家俱承雲去

**呂巖**

雅言

雜載云呂巖字洞賓唐咸通舉進士不第值巢  
賊亂携家隱終南山絕世辟穀變易形体尤精  
術術 **初平** 神仙傳云黃初平年十五家使牧羊  
有道士將至金華山四十餘年其兄初起索之  
有道士引至金華山問羊所在初平叱白石俱  
起成羊初起亦棄家就初平學道 **初安** 又淮南  
王安好道有八公詰門鬚眉皓白王使問人難  
之八公曰王薄吾老邪各變為童子門吏驚報  
王跪而迎之北面叩首八公復變為老人王朝

夕朝拜授以丹經三十六卷時雷被伍被乃告  
王及八公曰可以去矣與王白日昇天漢史秘  
之器置庭中鷄犬舐之皆昇去前又許碛  
登樓飲酒忽作一詩題于樓上云閨苑花前是  
醉鄉誤翻王母九霄觴群仙拍手憐輕薄誦向  
人間作酒狂題畢乘雲而去葛玄續仙傳云葛  
玄師事左慈與客對食嗽口中飯皆成大蜂徐  
徐入口却成飯粒○又為客設酒無人傳之杯  
自至如或不盡杯不去石又董威輦晉武末

在洛陽日社中寢息衣不蔽形恒吞一石子終日不食時或著詩莫知所終

**得中**

又太上真人

曰學道如彈琴緩急得中道可成矣

**服采**

又太

上尊仙銘曰子欲長生當服山精子欲輕翔當

服山薑指朮也

**穿井**

又學道如穿井形愈深則

去土愈難運出當披其心正其行乃見泉源

**凌**

**空**陳圖南詩云華山高處是吾宮出即凌空躋

曉風蔭殿不閉金鎖閉聞來時有白雲封又三

峰千載客四海一閒人

**玉壇**

許堅詩云嘗恨清

風千載鬱洞天今得恣遊遨松楸古色玉壇靜

鸞鶴不來青帝高

**靈根**

崔存詩云宿植靈根何

太早洞悟真風正年少常令丹海飛玉鳥又使

玉液朝元腦

**無心**

馬自然詩云何用燒丹學駐

顏闢非城市靜非山時人若覓長生藥對景無

心是大還

**絳霞**

韓湘詩云青山雲水窟此地是

吾家後夜流丹液凌晨煮絳霞

**翠羽**

王世寧詩

云翠羽旌幢仙子隊紫雲樓閣玉皇家人間風

雨易分散回首武陵空落花

**遊仙**

魏武帝遊仙

詩云西山之何高高殊無極上有兩仙童不  
飲亦不食○曹植詩云翱翔九天上聘轡遠行  
遊東觀扶桑耀西臨弱水派北極登玄渚南翔  
陟丹丘○又郭璞詩云登岳采五芝涉澗將六  
草散髮蕩雲陽終年不華浩又云青溪千餘仞  
中有一道士○又張華詩云蕭史登鳳音王后  
吹鳴竽守精吐玄妙逍遙無為壺○又瘦肩吾  
詩曰仙人白鹿上隱士潛溪邊試取西山藥來  
觀滄海田**拂日**李白詩云朝弄紫泥沼夕披丹

霞嘗揮手折柘木拂此西日光又天上白玉京  
十二樓五城仙人撫我頂結髮受長生**丹光**陳  
元老詩月寒丹井立霜白懸壇歸**石**李義山  
詩云醉中拋浩劫宿處有神光藥爨丹山鳳恭  
幽白玉郎弄河移砥柱吞日傍扶桑**煮石**常應  
物寄道士詩云今朝那齋冷忽念山中客澗底  
束荆薪歸來煮白石**於霞**李白贈王屋山人詩  
云我昔東海上旁山滄紫霞親見安期公食棗  
大如瓜**明客**劉長師訪道士詩云古木無人地



來尋羽客家道書堆玉案仙懷壺青霞**乘竹**令  
狐楚詩偶逢蒲家郎乃是為仙客行常乘青竹  
飢即煮白石

道

**道士**

太霄琅書經云道士者何理也事也身心

順理唯道是從從道為事故稱道士**異名**三洞

道科云道士有五一天真道士高女黃人之派  
也二神仙道士杜冲尹軌之例也三山居道士  
巢由之比也四出家道士朱倫彭詔之匹也五

在家道士黃瓊錢鏗之倫也

**道觀**

釋名云觀樓

也於上觀望也及爾被觀謂之觀今道家亦謂之觀又曰官多為祠官典飲之地

**銀宮**

太上決

疑經銀宮金闕列仙攸官元祖所居

**玉局**

彭乘

記李老君與張道陵至此有局脚玉床自地而出老君昇為道陵說南北斗經去而座隱地中因成洞穴故名玉局陸務觀詩云玉局祠官殊不惡御如清冰俸如鶴酒壺釣棋常自隨五尺新蓬織青藜

**洞霄**

真鏡錄云漢武帝創祥符改

洞霄宮山有五洞交肩九峰面挹千巖萬壑秀  
甄其中

**千秋**

鑑湖志云湖在紹興府南白水翠

巖互相映發若鑑若圖賀知章入道賜鑑湖一  
曲後以居宅為觀始曰千秋今賜名千秋鴻禧  
觀晉太康間許旌陽於西山拔宅上昇初旌陽  
學道於丹陽黃堂嘗施五色錦帷及上昇錦帷  
飛還鄉人為立遊為觀祥符改賜隆興萬壽宮  
**神祐** 武夷山昔有神仙降曰武夷君統錄地仙  
授館十俗傳玉帝與魏真人武夷君有室曰昇

真洞中有神仙說骨莫計其數其下曰冲佑觀

**桐栢**

唐崔尚碑此山代謂之天台亦謂桐栢高

無極中有洞天號金庭宮即王子晉之所唐有  
司承禎居焉鄭谷詩曰深山桐栢觀殘雪路猶  
分數見落紅葉金家穿碧雲月寒巖嶂曉風遠  
蕙蘭芬明日出林去吹笙不可聞

**層仙**

圖經云

葛仙觀在信州費長房投杖化龍之所

**仙都**

建

昌軍麻姑壇咸平中改仙都觀乃蔡經宅麻姑  
王方平所會之處

**玄都**

劉禹錫由和州刺史入

身... 卷之三十一 三十一

為主客郎中後作遊玄都詩且言始謫十年還  
京師道士殖桃其盛若霞又十四年過之無復

一存惟免葵燕麥動搖春風耳 **捨地** 天寶九年

李林甫等皆請捨宅為觀以祝聖壽帝悅 **許邁**

本傳晉許邁不慕仕進未忍違親立精舍于玄

溜山翔望還家定省親歿遣婦改名玄徧遊名

山採藥好道者皆云羽化 **授官** 唐玄宗時葉法

善授銀青光祿大夫又高宗時葉靜能入直翰

材為國子祭酒 **獻書** 韓文云張道士嵩高之有

道者有文武長材寄迹老子法中九年間朝庭  
將治東方貢賦之不如法者三獻書不報長揖  
而去士大夫多贈以詩**藥珠**元稹詩閑開藥珠  
殿閭閱金字經**瓊室**老仙詩上有鬱藍天垂光  
抱瓊室**壇級**鄭谷詩云烟霧諸洞合鍾磬上清  
聞經轉掃壇級奉事紫陽君**紫臺**陰鏗遊始見  
道館詩云紫臺高不極**玉臺**杜甫玉臺觀詩中  
天翠玉臺遙上帝高居絳節朝遂有明夷來擊  
鼓始知麤女善吹簫又浩劫因王造平臺訪古

遊絲雲簫史駐文字魯恭留野殿杜甫詩云苔

蘚山門古丹青野殿空月明垂露葉雲度逐溪

風藥鉞陳陰鏗詩云紫臺高不極清溪千仞餘

壇邊逢藥鉞洞裏闕仙書衆妙李白紫極宮詩

何處聞秋聲蕭蕭北窓竹四簿萬古心攬之不

盈掬靜坐觀衆妙浩然媚幽獨華嶽孟郊遊雲

臺觀云華嶽獨靈異草木常新鮮山盡五色石

水無一色爾公陽又訪嵩陽道士不遇詩云先

生五兵遊文焰滅金鼎日下鶴過時人間空落

影

女仙

**龜臺**仙傳拾遺云西王母一號太虛九光龜臺  
**金母文君****阿環**集仙傳云阿環是上元夫人道  
君弟子總領貞籍亞於龜臺又漢武內傳王母  
既降乃遣侍女與上夫人相聞侍女返云阿環  
再拜遠隔絳河遂替顏色近五十年時頃夫人  
至授帝以靈飛十二事乃去**四侍**張居房記云  
西王母降武帝殿有侍女四人帝問其名曰董



雙成許飛瓊苑陵華殿安香又內傳王母降命  
侍女王登禪八琅之漱董雙成吹雲和之笛許  
飛陵鼓靈虛之簧安法興歌玄靈之曲

**朱仙**真

詰云二人皆王子喬妹周靈王女皆學道得仙  
上昇

**華存**

魏夫人碑云魏夫人晉司徒魏舒之

女名華存嫁劉幼彥生二子學道服胡麻散茯苓丸有太極真人等來降授以太上寶之等書  
三十一卷位為紫虛元君南嶽夫人升天而去

**羅郁**

隱居貞浩云羅郁九嶷山中得道女梁簡

文帝時降黃門郎羊稚家贈詩及火浣布金玉  
條腸已九百歲矣**璵璠**華陽公主大曆七年以  
病丐為道士號璵璠真人**舉**韓愈詩果州南  
充縣寒女謝自然一朝坐空室雲霧其間須臾  
自輕舉飄若風中烟**霓衣**李白詩吳江女道士  
頭戴蓮花巾霓衣不濕雨特異陽臺雲**王冠**項  
斯送宮人入道云願隨仙女董雙成王母前頭  
作伴行初戴玉冠多誤拜欲辭金殿別稱名**沈**  
**莊**韓愈華安詩云華山女兒家奉道欲驅異教

婦仙靈洗粧拭而着冠幘白咽紅顏長眉青  
**杖**漢使過河東見一女子笞老翁問之云此妾  
之子昔舅氏伯山甫以神方教妾妾使服之不  
精致此衰老故杖之問其年已一百三十歲兒  
終七十餘年

類雋卷第二十五 終

類雋卷第二十六

勾吳虛舟鄭若庸纂輯

山東按察司副使古虞百棲鍾

穀校閱

戶部陝西司主事西蜀少川王用楨

戶部福建司主事古粵礪山鍾昌

工部營繕司員外四明麥韓張大器同閱

臨清州知州古完呂珩校正

太學生汪珙校梓

花木類

梅花

**庾嶺**廣志云大庾嶺上梅花南枝已落北枝方

開寒煖之候異也**靈山**山海經云靈山有木多

梅**花品**西京雜記云上林苑有朱梅同心梅紫

帶梅燕支梅麗枝梅紫花梅侯梅**笛曲**宋鮑昭

云梅花本笛中曲**綠英**游墨微言云李白遊慈

恩寺僧獻綠英梅**優香**埤雅云梅花中尤香者

語云梅花優於香桃花優於色**早白**賈勰云梅

花早而白香花晚而紅**作賦**皮日休云宋廣平

爲相貞姿勁質剛熊毅狀疑其鐵石心腸不解

吐如舜然觀其作梅花賦清使富艷得南朝徐  
夏體殊不類其爲人

**一枝**

說苑云越使諸發執

一枝梅遺梁王梁王之臣韓子曰惡有一枝梅

乃遺制國之君乎

**羅使**

荊州記云陸凱與范曄

相善自江南寄梅花一枝請長安與曄并贈詩

曰折梅逢驛使寄與隴頭人江南無所有聊贈

一枝春

**樞射**

南史云柳惲嘗與琅琊王瞻博射

嫌其皮闊乃樹梅帖烏珠之上發必命中

**額插**

宋書云武帝女壽陽公主人日臥於含章簷下

梅花落額上成五出花拂之不去後遂效爲梅

花粧梅梁風俗通云夏禹廟中有梅梁忽生枝

葉治病桂陽先賢傳云蘇耽後園梅樹下種藥

可治百病請任詩注云梁何遜任揚州法曹辭

舍有梅花一株吟咏其下後居洛思梅花再請

其任抵楊花方盛開對花彷徨久之同花南部

烟花錄云隋煬帝御女表寶兒多愁態帝謂虞

世基試嘲之世基詩曰綠愁却得君王寵意常

把花枝傍翠行宮中號司花女花神龍城錄云

隋開皇中趙師雄遷羅浮日暮於林間酒肆旁  
舍見美人素粧出迎與語言極清麗芳香襲人  
與之扣酒家共飲一綠衣童子歌於側舞師雄  
醉寐東方既白起視大梅花樹上有翠羽刺嘴  
相顧所見蓋花神也**仙人**桂林記云袁豐之居  
宅後有六株梅開時曾爲隣屋煙氣所爍乃圓  
涩塞竈張幕蔽風久而又折其屋曰冰姿玉骨  
世外佳人但恨無傾城笑耳**九英**常朝錄云元  
植爲翰林承旨朝退行至廊下時初日映九英



梅隙光射楨有氣勃勃然百僚望之曰豈勝胃  
文章映日可見乎歷詩撫遺云蜀州有紅梅數  
本郡侯建閣扃鑰游人莫得見忽有兩婦人高  
髻大袖凭欄語笑郡侯啓鑰聞不見人唯東壁  
有詩曰南枝向暖北枝寒一種春風有兩般憑  
仗高樓莫吹笛大家畱取倚欄干雪裏梁簡文  
帝云絕訝梅花晚爭求雪裏窺下枝低可見高  
處遠難知惧羞惜腕露相讓道腰羸定須還剪  
綵學作兩三枝逐春何遜云菟園標物序驚時

最是梅衙霜當路發映雪擬寒開枝橫却月觀

花統凌風臺朝灑長門泣夕駐臨邛杯應知早

飄落故逐上春來

**西**

庾肩吾云窓梅朝始發

庭雪晚初消折花牽遠樹幽叢入細條垂冰溜

玉手含刺冒春腰遠道終難寄馨香徒自凋

**落**

**素** 玉筠云水泉猶未動庭樹已先知翻光同雪

舞落素混米池

**懸**

庾信云常年臘月半已覺

梅花開不信今春晚俱來雪裏看樹動懸冰落

枝高出手寒早知覓不見真悔着衣單

**識**

春梁

簡文帝云年歸氣新搖芸動塵梅花特早偏能  
識春或承陽而發蒼乍雜雪而披銀吐裏四照  
之林舒榮五衢之路旣玉綴而珠離且冰懸而  
霓布葉嫩出而未成枝抽心而掉故標半落而  
飛空香隨風而遠度奈雪庾信云不愁風嫋嫋  
止奈雪垂垂煖熱惟憑酒平章却要詩梁雪王  
昌齡云落落寞寞路不分夢中喚起梨花雲  
玉條戎煜云一樹寒梅白玉條迥臨村路傍溪  
橋不知近水花先發疑是經春雪未消

杏花

**合**

洛陽宮殿簿云含章殿前杏四株

**耕**

泥

勝之云杏始華榮輒耕輕土弱土王元長云杏花昌葉耕獲不忘

**灌**

四民月令云三月杏花

盛可播白沙輕土田

**六**

西京雜記云上林苑

蓬萊杏東海郡尉于台獻一株花雜五色六出

云是仙人所食

**繼**

莊子云孔子遊緇帷之林

坐杏壇之上弟子讀書孔子弦歌鼓琴

**爭**

春楊

州事跡云太平園中有杏數株每至爛開大宴

每一林令一妓女倚其傍立題其館曰爭春開  
元中宴罷夜闌或聞花有歎息聲

**碎錦**

曹林異

景云裴晉公午橋莊有文杏百株其處立碎錦  
坊

**探花**

掠言云神龍以來杏園宴後於慈恩寺

塔題名

**朱陳**

詩話云徐州古豐縣朱陳村有杏

花一百二十里近有人爲德慶戶曹道經此村  
見花尚無恙也

**題詩**

開元遺事云明皇時遇春

雨初晴命取羯鼓臨軒縱擊四視柳杏皆發上

笑曰此不喚我作天公可乎

**詩**

桂苑叢談云

司徒馬遂子鬯以第中大杏饋竇文場文場以  
進德宗未嘗見頗怪鬯令中使就封其樹鬯惧  
進宅爲奉誠園二花河東備錄云阮文姬插鬢  
用杏花陶浦呼爲二花爲梁司馬相如云飾文  
杏以爲梁綻翠庾信云春色方盈野枝枝綻翠  
英依稀映村塢爛熳開山城好折待賓客金盤  
襯紅瓊

桃花

**始華**月令云仲春之日桃始華**灼灼**詩云桃之

天天灼灼其華**農候**崔寔月令云三月桃花盛

農人候時而種**穠華**詩云何彼穠矣華如桃李

**菁花**拾遺記云傍礪山去扶桑五萬里日所不

照其地甚寒有桃樹皆十圍花青黑萬歲一實

**成蹊**漢書李廣傳贊云李將軍恂恂如鄙人口

不能出辭及死之日天下知與不知皆為泣涕

彼其中心誠信壬大夫諺曰桃李不言下自成

蹊此言雖小可以喻大**瀋縣**晉書傳云瀋岳岳

為河陽令栽桃李號河陽滿縣花**甌水**本事詩

有云崔護清明日獨遊都城南見莊居桃花繞  
宅叩門求漿有女子開門以盃水飲護回日注  
視屬意甚殷來歲清明護復往則門已扁鎖因  
題其上曰去年今日此門中人面桃花相映紅  
人面不知何處去桃花依舊笑春風後日復往  
聞哭声一老父出曰子非崔護耶吾女比見題  
詩絕食而卒崔亦感動詣殯木大呼曰護在此  
女遂復生

**武陵**

陶潛云晉太康中武陵漁人溪

行失道忽逢花林夾岸落英繽紛路窮得山口



極隘行四五步豁然開朗有居第鷄犬男女衣  
著悉如外人見漁父驚為設酒食云先世避秦  
來此遂與外隔問今是何代不知有漢無論魏  
晉既出白太守遣人隨往尋之迷不復得**食花**  
列仙傳云師門能使人食桃花夏孔甲殺而埋  
之野外山水皆焚孔甲禱之未還而斃**摧花**妬  
記云武陽女嫁阮宣絕妬家有桃樹花葉灼灼  
阮宣嘆羨之武大怒便斫樹摧折其花**銷恨**開  
元遺事有云明皇在楚苑中有千葉桃花盛開

帝與貴妃宴花樹下帝曰不獨萱草忘憂此花

亦能消恨

**助嬌**

天寶遺事云御苑有千葉桃帝

親折一枝插妃子寶冠上曰此花尤能助嬌態

**如霞**劉禹錫云玄都觀舊無桃花貞元末至京

師則有道士植仙桃滿觀花如紅霞賦詩云紫

陌紅塵拂面來無人不道看花回玄都觀裏桃

千樹盡是劉郎去後栽後太和初余重遊玄都

觀已蕩然無一株惟兔葵燕麥動搖春風又題

詩云百畝中庭半是苦桃花淨盡菜花開種桃

道士歸何處前度劉郎今又來

**華宗**

江文通云

惟園有桃惟山有叢丹葩擎露紫葉繞風引霧

如電映烟成虹伊春之秀乃華之宗

**飛香**

孔紹

安云結葉還臨影飛香欲徧空不意餘花落翻

沉露井中

**露井**

蕭愨云舊聞開露井今見植龍

門樹少知非塞花高異少原論時應未發故欲

影歸軒祗言經摘罷猶勝逐風翻

**綺樹**

唐太宗

云禁苑春揮麗花蹊綺樹裝綴條深淺色點露

參差光向日分千笑迎風共一香

**畫**

李太白

云樓東一株桃枝葉折青煙此樹昔所種別來  
向三年桃今與樓齊我行尚未旋映韓昌黎  
云百葉雙桃晚更紅臨窓映竹見玲瓏應知侍  
史歸天上故伴仙郎宿禁中紅韓愈云桃枝  
綴紅紅韓昌黎云種桃處處惟開花川源  
遠近蒸紅霞

李花

**穠矣**

詩云何彼穠矣

**穠矣**

詩云六月食薺及萹

又禮記䟽云天移一名萹李薺一名車下李夫

**後**爾雅云棠棣夫移也注郁李**飛仙**樞要錄云

沅陵五貫家李花正開一夜遙見花作數團如

飛仙狀上天去花上露條作雨數千點花則亡

矣**冬華**唐史云安金藏喪母廬墓側李冬有華

**白衣**天寶遺事云處士崔元微東洛有宅入嵩

山採木茯苓回宅中蒿萊滿院時春季夜風月

清爽忽有白衣引綠裳者曰姓楊一曰陶氏乃

命坐月下色皆殊絕滿坐芳香襲人**桃隣**江淹

云當知露井側復與天桃隣**高隱**外書云

元徽之白樂天兩不相下一日同詠李花徽之  
先成曰葦綃間萬朶樂天乃服蓋葦綃白而輕  
一時所尚

梨花

**壓帽**

祥雲記云梁緒梨花時折花簪之壓換帽

簷至頭不舉

**秋花**

唐史云武后嘗季秋出梨花

示群臣宰相以爲祥衆賀曰陛下德被草木故  
秋再花杜景佺曰陰陽不相奪倫瀆則爲灾故  
冬無愆陽夏無伏陰春無凄風秋無苦雨今草

木黃落而梨復花瀆陰陽也**洗粧**唐餘錄云洛陽梨花開時人多携酒樹下曰爲洗粧**名酒**長慶集云杭州其俗釀酒趁梨花春時熟號梨花春故杭州春望紅袖織文誇柿蒂青旗沽酒趁梨花**河陽**沈休文云列茂河陽苑蓄此濫觴隈翻黃秋沃若落素春徘徊**洛陽**韓昌黎云洛陽城外清明節百花零落梨花發今日相逢瘴海頭共驚爛熳開正月

牡丹

**送曲**

太平廣記云開元中禁中沉香亭前牡丹  
盛開明皇乘月夜召太真妃樂工李龜年以歌  
擅石手捧擅板押衆樂將歌上曰賞名花對妃  
子焉用舊詞逕命龜年持金花箋宣陽翰林李  
白進清平調詞三章白欣承詔旨猶苦宿醒未  
解援筆賦云雲想衣裳花想容青風拂曉露花  
濃若非群玉山頭見會向瑤臺月下逢一枝紅  
艷露凝香雲雨巫山枉斷腸借問漢宮誰得似  
可憐飛燕倚新粧名花傾國兩相覩長得君王



帶笑看鮮識春風無限意沉香亭北倚欄干龜  
年遽以詞進上令梨園弟子調撫絲竹促龜年  
歌聲震梁木太真持玻璃七寶淺酌涼州蒲萄  
酒笑頷歌意飲罷重拜**四香**天寶遺事云楊國  
忠爲四香閣每於春時牡丹盛開之際聚賓於  
此閣上賞花**花譜**吳人錄云宋單父有種藝術  
能變易牡丹十種上皇召至驪山種花萬本色  
樣各不同內人呼爲花師又曰花神**百寶**開元  
遺事云明皇時沉香亭前木芍藥一枝二頭朝

則深碧暮則深黃夜則粉白晝夜之內香艷各異帝曰此花木之妖則楊國忠以百寶爲

**欄**

**御去**青瑣高議云唐元和中韓弘罷宣武節

度始至長安私第有牡丹正花命斫去之曰吾

豈效兒女輩邪當時爲牡丹包羞不暇**脂印**青

瑣高議云明皇時有獻牡丹者謂之楊家紅蓋

貴妃勻面口脂在手偶印於花上詔於仙春館

栽來歲花開上有脂印紅迹帝名爲一捻紅**麝**

**印**

青瑣高議云明皇時民間貢牡丹花面一尺

高數寸帝未及賞爲野鹿啣去有佞人奏云釋  
氏有鹿啣花以獻金仙帝私曰野鹿遊宮中非  
佳兆也殊不知應祿山之亂

**進御**

洛陽風土記

云洛陽至東京六驛舊不進牡丹今徐州李相  
迪留守時始花進歲差衙校一員乘驛馬一日  
一夕至京師所進不過姚黃魏紫三四朵用菜  
葉實竹籠子藉覆之使馬上不動搵以蠟封花  
蒂乃數日不落

**音賞**

酉陽雜俎云開元末裴士

淹奉使過汾州衆香寺得白牡丹移置長安私

第爲都城奇賞至德中馬僕射總領太原又得  
紅紫二者今則至多與戎葵比矣興唐寺昔有  
一株開花一千朵有正暈側暈紅紫黃白之色  
各不同**頃刻**太平廣記云韓愈姪孫湘嘗詣愈  
能言造逡巡酒開頃刻花愈未信湘因聚土以  
盆覆之俄生碧牡丹二朵葉有小金字云雲橫  
秦領家何在雪擁藍關馬不前愈後謫潮州至  
藍關遇雪乃悟湘又染白牡丹一叢云來春爲  
作金陵碧色明年開花果然**國香**舒元興云圓

玄瑞精有星而景有雲而卿其光下垂遇物流  
形草木得之發爲紅英英之甚紅鍾乎牡丹枝  
類邁倫國香欺蘭我研物情次第而觀暮春和  
極綠苞如珠清露宵偃韶光曉驅動盪支節如  
解凝結百脉融暢氣不可遏兀然盛怒如將憤  
洩淑色披開照耀酷烈美膚膩體萬狀皆絕

**語** 劉禹錫云今日花前飲甘心飲類盃但愁花  
有語不爲世人開

**中賦**

白居易云帝城春欲暮

喧喧車馬度共道牡丹時相隨買花去家家習

爲俗人人迷不悟有一田舍翁偶來買花處低  
頭獨長歎此歎無人前一叢深色花十戶中人  
賦雨後裴璘云花時何處偏相擾寥落衰紅雨  
後看勝羅鄴云香勝燒蘭紅勝霞開時比屋  
事豪奢買栽池館忍無地看到子孫能幾家門  
倚長安聯綉輓輕籠輕日護香紗歌鐘只解貪  
惟賞豈信流年鬢易華送鄭谷云亂前看不  
足亂後眼偏明却得蓬蒿力遮蕪見太平不語  
韓昌黎云幸自同閒俱隱約何煩相倚闥輕盈

凌晨併作新粧而對客偏含不語情  
雙燕無情還拂掠遊蜂多思正經營  
長年世事皆拋盡今日欄邊暫眼明

芍藥

**溱洧** 詩云溱與洧方渙渙兮惟士與女伊其相  
詭贈之以芍藥 **白犬** 本草經云芍藥一名白犬  
生山谷及中岳 **可離** 古今注云芍藥一名可離  
**腰金** 東軒華錄云四枝正紫重跗累萼中有金  
蕊繞之號腰金 **紫四相** 后山叢話云洛陽牡丹

廣陵芍藥爾皆名天下芍藥有紅瓣而黃腰號  
金帶園能無常種此花見則城中當出宰相轎  
魏公守廣陵日一出四枝公選客具燕時王岐  
公以高科爲倅王荆公以名士爲屈皆在選尚  
闕其一私念有客至召使當之及暮南水門陳  
太傅來早使召至乃秀公也後四公入相**王**  
蘇軾云東武舊俗每歲四月大會於南禪資福  
兩寺以芍藥供佛今歲最盛凡七十余朵皆重  
跗累萼繁麗豐碩中有白花正圓如覆盆其下



十餘葉承之如盤姿格迫出因名之玉盤盃

**花** 漁隱叢話云錢惟演爲留守始置驛貢花識

者鄙之曰此宮妾愛君之敬也

**花會**

漁隱叢話

云揚州芍藥爲天下冠蔡繁卿爲守作萬花會

用花十餘萬枝人吏並緣爲奸民大病之蘇子

瞻始至問民疾苦以此爲首逐罷會

**當階**

諫元

暉云紅藥當階翻

**傍砌**

杜甫云傍砌看紅藥

**露** 柳宗元云凡卉與時謝奸華麗茲辰歌紅醉

濃露窈窕留餘春孤賞薄日暮暄風動搖頻夜

窓藹芳氣幽臥如相親願致漆有贈悠悠南國  
人**長在**錢起云芍藥花開出舊欄春衫掩淚拜  
來看玉人不在花長在更勝青松守歲寒**微芳**  
張九齡云仙禁生紅藥微芳不自持幸因清絕  
地還遇艷陽時**麗草**王微云原夫神區之麗草  
芳憑厚德而挺投翕光夜而發落芳颺風擘而  
振秀**細益**傅統妻云曄曄芍藥植此前庭晨潤  
甘露晝晞陽靈曾不踰時荏苒繁茂綠葉青蔥  
應期吐秀細益攢挺素花芬敷

海棠花

**無香**

詩話云楚洲才有三恨一鱗魚多骨二金

橘太酸三海棠無香

**無詩**

詩話云杜子美母名

海棠故其集中無海棠詩

**聘梅**

金城記云以梅

聘海棠似佳但恨不同時

**有香**

花譜云蜀中海

棠皆有色無香惟昌州海棠有香其木合抱

**醜**

楊太真云明皇沉香亭召太真妃子太真

時郊醉未醒命力士從侍兒扶掖而至妃子被

酒醜顏殘粧不能再拜明皇笑曰此真海棠花

睡未足耳**未落**沈約云野棠開未落**不真**賈島  
云名園封殖幾經春露葉煙稍盡不真鶯**睡**鄭  
谷云一枝低帶流鶯睡數片狂和舞蝶飛堪恨  
路途移不得可無人與盡將歸**臥看**韓偓云海  
棠花在否側臥傍簾看**細**次曾景建云侍芳遠  
遠自西隣錦傘高張熨眼新花睡覺來紅淚落  
年年如憶故宮春

辛夷

**侯桃**

格物總論云辛夷花木高數尺葉似柿而

長初出如筆開花既落無子夏秋再著花如蓮  
花而小紫苞紅焰一名侯桃 **木筆** 本草經云辛  
夷花北人呼爲木筆 **脂染** 白居易云紫粉筆含  
尖火艷紅臙脂染小蓮花芳情香思知多少惱  
得山僧悔出家

醑醑

**韻友** 古今詞話云曾端伯調笑令取友于十花  
韻友醑醑也云云仍教玉友來奉佳賓酒 **用酒**  
唐國史補云寒食宴宰相用醑醑酒 **香醑** 景龍

文館記云唐召侍臣學士食櫻桃飲醑醪酒並以琉璃盤和以香醕案樞梁元帝云倡女卷春裾迎風戲玉除近叢有影密隔樹望釵踈橫枝斜縮袖嫩葉下牽裾墻高攀不及花新折未舒莫疑插髮少及人猶有餘好枝梁劉瑗云新花臨曲池佳麗復相隨鮮花同映水輕香共逐吹繞架尋多處窺叢見好枝今新猶恨少將故復嫌萎釵邊爛熳插無處不相宜爾白居易云乍見疑回面遙視誤斷腸風朝舞飛點雨夜泣

蕭娘桃李慙無語  
芸蘭遜不芳  
山楸何細碎石  
竹苦尋常  
**荆棘**買島云破却千家作一池不栽  
桃李種茶蘼莫教葉落秋風後  
荆棘滿庭君始知

夜合

**合歡**格物論云夜合花亦名合歡或亦名合昏  
**無憂**圖經云夜合花能和五臟利心志令人歡  
樂無憂樹似梧桐枝甚柔弱葉細而密互相交  
結其葉至暮而合五月花發紅白色瓣上若綠

茸至秋而實

**合昏**

詩話云心宵填錯是爲肺灌

取夜合皮掌火一枝水煮服之故探囊一試合

昏湯

**調愈**

晉稽康傳云康嘗種合歡舍前曰可

以蠲忿又本草云欲蠲人之忿則贈以青棠合

欲**朱柯**

晉陽芳云南鄰有奇樹成春挺素華豐

翹被長綠條葉蔽朱柯因風吹微音芳氣入紫

霞我心羨此木愿徒着餘家夕得游其下朝得

弄其葩

**緇柯**

元微之云綺樹滿朝陽融融有露

光雨多疑濯錦風散似分粧葉密煙蒙火枝低



綉拂墻更憐當暑見留誅日偏長  
**知時** 杜甫云  
合欲尚知時鴛鴦不獨宿

瑞香

**溫潤** 南方草木狀云瑞香樹高者三四尺枝幹  
婆娑葉厚深綠色數種花紫色如丁香惟葉如  
枇杷者能結子惟喜溫潤  
**廬山** 廬山記云瑞香  
始出於廬山之中  
**芳苞** 呂太防云成都志瑞香  
芳草也其生甚蕃野人不以為貴宋景文亦闕  
而不載予守成都恐其沒於草類一日見知於

時始與人事無異載而闕焉**殊友**詩話云曾瑞

伯云十友調笑令取友於十花**殊友**瑞香也**香**

**濃**錢赴云待地秋根遠交柯繞指柔露香濃結

桂池影闌蟾乳黛葉輕雲綠金花笑菊秋入何

南海外萬里瀾炎洲**玉英**陶弼云玉英金寶碧

林枝**寶熏**韓子蒼云茗葉團青蓋開注寶熏

梔子

**木丹**本草經云梔子一名木丹**黃氣**地鏡圖云

望氣古人家黃氣者梔子樹也**護吏**晉令云諸

官秩有梔子守護者置吏一名**櫻石**遊名山志

云棲石山多梔子**林蘭**謝靈運云林蘭近雪而

楊倚注林蘭梔子也**金寶**謝眺云有羨當階樹

霜露未能移金寶發朱采映日以離離幸賴夕

陽下餘景及四枝還忠照綠水君階無曲池餘

榮未能已晚實猶見奇復留傾筐德君恩信未

也**素華**梁簡文帝云素華偏可喜的的半臨池

疑為雪護葉復類雪封枝日斜光隱見風還影

合離**獨**顏側云濯雨時摘素當颺獨含芬豐

榮殊未紀銷落竟誰聞  
**映江** 杜甫云  
梳子比衆木人閒談未多於身色有用與道氣俱和紅取  
風霜實青看雨露柯元情移得汝貴在映江波  
中和僧文昭云  
林蘭擅孤芳惟與凡木異不受  
霜雪侵自足中和氣欲知清淨身即此林間是  
**瓊樹** 劉夢得云  
色疑瓊倚樹香似玉京來

萱

**忘憂** 神農經云中藥養性萱草忘憂又束皙發  
蒙說云  
甘棗令人不惑萱草可以忘憂  
**宜男** 南

方草木狀云水窓花葉如鹿窓花色有紅黃紫

三種出始興婦人懷妊佩其花生男者即此花

非鹿窓花也交廣人佩之極有驗然其土多男

不履女子故不常佩又風土記云宜男草高六

七尺如蓮懷妊者佩之亦生男

**療愁**

吳記云吳

中謂萱草能療愁

**樹萱**

詩云焉得諼草言樹之

背孔子曰諼訓忘非草名背北堂也

**鹿葱**

稽含

云宜男多植幽臯曲隰或寄華林玄圃荆楚之

士號曰鹿葱

**可愛**

梁元帝云可愛宜男草垂采

映倡家何時如此葉結根復含花**應祥**傳玄云

猗猗令草五於中芳花曰宜男號應禎祥遠而

望之煥若三辰之麗天近而察之晃若芙蓉之

鑒泉**競影**徐勉云高木列其陰蘭芳糝其影翫

叢葩之爭芬悅群根之競影**含景**陽休之云開

跼幽澗底散彩曲堂垂優柔清露濕微穆惠風

吹朝朝含麗景夜夜對華池**當樹**李太白云忘

憂當樹萱**兒女**孟郊云萱草兒女花不鮮壯士

憂

葵花

**傾日**

說文云黃葵常傾葉向日不令照其根

**承**

**露**

爾雅云葵承露也大莖小葉華紫黃色

**如槿**

爾雅云戎葵蜀葵如木槿花

**牡丹**

本草經云蜀

葵有檀心色如牡丹

**戎葵**

爾雅云葍戎葵也

**昂**

**精**

虞繁云惟茲珍草懷芬吐榮挺河渭之膏壤

吸昴井之玄精繞銅爵而疏植映昆明而羅生

**魯條**

陸機云豈條併春盛落葉後秋衰慶彼晚

凋福忘此孤生悲

**比足**

陸機云被蒙覆露恩微

軀後時殘底足同一智生理各萬端  
**氣麗**顏正之云井昴降精嶠岷洛升靈物微氣麗夫草之  
**英日開**岑參云昨夜一花開今日一花開今日  
花正好昨日花已老人生不得長少年莫惜求  
頭沽酒錢請君有錢向酒家君不見戎葵花  
**葉**張祐云名花八葉嫩黃金色點書窓透竹林  
無奈美人閑把嗅直疑植口印中心

木槿

**槿**

爾雅云槿木槿木槿

**日及**

廣志云日及



木槿也

**舜華**

詩云有女同車顏如舜華注槿也

**暮落**

說文云舜木槿也朝華暮落

**食華**

外國圖

云君子之國多木槿之華人民食之去瑯琊三  
萬里又玄中記云君子之國地方千里多木槿  
之花**朝菌**潘尼云朝菌者朝華暮落世謂木槿  
或謂之曰及詩人以爲舜華宣尼以爲朝菌其  
物向晨而結建明而布見陽而盛終日而殞

**權**

淮南子云莊子貴支離悲朱槿

**覆帽**

開元遺

事云汝陽王璿嘗戴研帽打曲上自摘紅種

簪置帽上極滑久而方安曲終花不墜以爲能  
曰花奴資質明瑩必是神仙謫墜（韻藻）晉盧諶  
云覽庭隅之嘉卉慕朝華之可玩俯浸潤之泉  
壤仰晞影於雲漢（殊藻）傳咸云覽中庭之奇樹  
稟冲氣之至清應青春而敷葉逮朱夏而誕英  
布天天之織枝發灼灼之殊榮（藻林）羊徽云有  
木槿之初榮藻衆林而間色在青春而資氣逮  
中夏以呈飾（紀精）夏侯湛云咨神樹之修異寔  
積陽之純精蜿潛根以誕節據川壤以擢莖皎

日升而朝華玄景逝而夕零麗木江惣云日及

多名蕤賓肇生東方記乎夕死郭璞贊以朝榮

潘文迷其夏盛稽賦憫其秋零此則京華之麗

木非于越之舜英又傳玄云朝華麗木也珍樹

顏延之云日御北至夏德南宣王蒸榮心氣動

上玄華縹間物受色朱天是謂珍樹含艷丹閑

**殘照**李義山云回頭向殘照殘照更虛空**秋繁**

又云風露淒淒秋景繁可憐榮落在朝昏未央

宮裏三千女但保紅顏莫保恩

榴花

**如槿**

酉陽雜俎云衡山祝融峯下法華寺有石

榴花如槿花春秋皆發

**晴晚**

隋書云孔紹安仕

隋高祖受禪往見之甚悅拜內史舍人時夏侯

端亦嘗爲御史先歸朝紹安受秘書監因應制

詠石榴詩可惜庭中樹移根逐漢臣祇爲時來

晚開花不及春

**花精**

博異記云崔元微遇數美

人李氏陶氏又緋衣少女石醋醋又有封家十

八姨來石醋醋曰諸女伴皆住苑中每被惡風

所撓常求十八姨相芘處士每歲且與作一朱  
旛圖日月五星則免矣崔許之其日立旛東風  
折木飛花苑中花皆不動崔方悟衆花之精封  
姨乃風神醋醋盖石榴也

**丹**

夏候湛云接翠

萼於綠蒂肩紅牙於丹鬚艷然含蕤璫爾散珠

**珊瑚**

梁元帝云還憶河陽縣映水珊瑚開紫翠

如新剪花紅似故栽

**輕紅**

魏彥深云分根金谷

裏移植廣庭中新枝含淺綠晚萼散輕紅影入  
環階水香隨度隙風路遠無由寄徒念春闈空

**安石**

元稹云何年安石國萬里貢榴花迢遞河

源道因依漢使槎

**日華**

元稹云綠葉裁煙翠紅

英動日華

芙蕖

**芙蓉**

爾雅云荷芙蓉也江東又呼爲芙蓉其莖

茄其葉葭其本蓉其花菡萏其實蓮其根藕其

中的的中蕙

**西華**

詩云彼澤之陂有蒲與荷有

蒲菡萏

**芙蓉**

詩注云芙蓉園魏文帝所開園有

池種蓮其中芙蓉即蓮花也產於陸地者曰木

芙蓉產於水者曰草芙蓉**五沃**管子云五沃之

土生蓮**荷名**古今注云荷花一名水旦一名水

芝一名澤芝一名水花**澤竭**周書云藪澤已竭

即蓮藕掘**千葉**華山記云華山頂有池生千葉

蓮花服之羽化**采服**大清諸草木方云七月七

日採蓮花七分八月八日採蓮根八分九月九

日採蓮實九分陰乾下筵服方寸七令人不老

**珠寶**王子年拾遺記云漢昭帝游柳池有芙蓉

紫色大如斗花葉甘可食芬氣聞於十里之內

實如珠**爲散**詩疏義云蓮的可磨以爲散輕  
身益氣令人強健**色白**顧啓明姿地記云姿門  
東南有華墩陂中生千葉蓮花其荷與衆蓮荷  
無異菡萏色白豈佛經所載者耶**黃色**汪歆之  
神境記云九疑山半過路皆行竹松下狹路有  
清澗澗者黃色蓮花芳氣竟谷**水花**杜甫云水  
花笑白首注蓮花也**夜低**酉陽雜俎云南海有  
睡蓮夜則花低入水**變碧**麻姑壇記云東南池  
中有紅蓮近忽變碧今又白矣**龜游**廣志云龜



千歲游蓮葉上

**陽有**

詩云陽有荷

**坐蓮**

閑今尹

喜傳云真人游時各各坐蓮花之上一花輒徑

十丈

**蓮座**

宋書云文帝元嘉中蓮生建東額擔

湖蓮莖兩華

**花神**

北夢瑣言云元和中蘇昌遠

居吳中有女郎素衣紅臉與相狎贈以玉環一

日見檻前白蓮花開花蓋有物乃玉環也折之

乃絕

**結社**

高僧傳云僧惠遠居廬山與劉遺民

等結白蓮社以書招淵明淵明日若許飲即往

許之遂造焉陶攢眉而去

**不即**

唐史云張昌宗

以姿美見幸楊再思每曰人言六郎似荷花非也。正謂荷花似六郎爾。**蓮幕**庾果之傳云王儉用爲長史蕭緬與儉書曰盛府元僚寶難其選庾景行泛綠水依芙蓉何其麗也時人以入儉府爲蓮花池故緬書及之。**步生**南史云東昏侯鑿金爲蓮花貼地令潘妃行其上曰此步步生蓮花也。**解語**天寶遺事云太液池千葉白蓮開帝與妃子共賞指妃謂左右曰何如此解語花邪。

**金蓮**

杜陽編云滄州金蓮花州人研之如泥

竹簡彩繪光影煥爛與真金無異但不能入火而已更有莖出其花如蝶每微風則搖蕩如飛婦人競採之以爲首飾即語曰不戴金蓮花不

得到仙家

**伏生**

搜神記云王敬在武昌鈴下儀

仗生蓮花五六日而落

**戴傘**

搜神記云無錫上

胡陂陂吏丁初雨止見一少婦人著青衣戴傘呼之不得自投陂中是大蒼獺衣傘皆是荷衣

**鉢生**

浮圖澄傳云澄呪鉢中青蓮花生

**撻撻**

後

唐書云馮郁爲秘書監張承業以權貴人事與

客宴集陳列珍果客無敢先嘗者郁食之必盡  
承業私戒主者他日郁至惟乾藕蓮子置前而  
已郁知不可啖韉中出一鐵槌搗碎食承業大  
笑曰爲公易之勿敗吾案爲楚詞云因芙蓉  
而爲媒憇褰衣而濡足出波曹植云灼若芙蓉  
出綠波冒沼傅亮云考庶草之珍麗宴揔美於  
芙蓉潛幽泉以育藕披翠蓮而挺敷汎輕荷以  
冒沼列紅葩而曜除擢莖曹植云覽百卉之英  
茂無斯花之獨靈結修限於重壤泛青流以濯

**莖**  
**文葉**

簡文帝云圓花一帶卷文葉半心開影

前光照耀香裏蝶徘徊欣隨玉露點不逐秋風

**推**  
**香送**

梁元帝云江風當夏清桂棹逐流繁荷

香風送遠蓮影向根生葉卷珠難溜花舒紅易

輕日暮鳧舟滿歸來度錦城**規**按鮑照云青房

兮規接紫葩兮圓羅樹妖搖之弱榦散萑蒿之

輕柯上星光而倒影下龍鱗而隱波**龍**燭曹植

云竦芳柯以從風奮纖枝之璀璨其始榮也曠

若夜光尋扶桑其揚暉也晃若九陽出暘谷絲

條垂珠丹莖吐綠焜焜燁燁爛若龍燭**金房**傳

玄云煌煌芙蕖從風芬葩陰結其根陽發其華

金房綠葉素珠翠柯**映墀**傅亮云伊玄匠之有

瞻脫嘉卉於中葉旣暉映於丹墀亦納房於綺

䟽**紫飾**張真云綠房翠蒂紫飾紅敷**紫藻**閔鴻

云川源清徹羨溢中塘芙蓉豐植弥被大澤朱

儀榮藻有逸目之觀**如規**張華云荷生綠泉中

碧葉齊如規迴蕩流霧珠映水逐條垂照灼此

金塘藻曜君王玉池不愁世賞絕但畏盛明移**合**

**紅**朱超云勿言草卉賤幸宅天地中微根纒出

浪短幹未搖風寧知寸心裏蓄紫復含**紅****照日**

江法云澤陂有微草能花復能實碧葉喜翻風

紅英宜照日移居玉池上託根庶非失如何霜

露交應子飛蓬匹**成杯**朕英董云棹移浮苻亂

船進倚荷來藕絲牽作綵蓮葉捧成杯**葵池**謝

靈運云芙蓉始發池**廟采**劉孝威云金漿不蘭

船戲采江南蓮蓮香階浦渡荷笑滿江鮮**素實**

夏侯湛云採浮葩摘國葉拆碧皮食素實味甘

滋而清美同家異乎橙橘

**青實**

陸筠云綠房含

青實金條垂白璆

**浮香**

唐太宗云給伴戲芳塘

携手上雕航船移分細浪風散動浮香遊鷺無  
定匹驚鳧有亂行蓮稀釧聲斷水短棹歌長棲  
鳥還密樹泛流歸建章

**露房**

杜甫云露冷蓮房

墜粉紅

**圓實**

張籍云青房圓實齊戢戢

**冰蘭**

王

琪云蠶寒繭

**紅膩**

杜甫云紅膩小池蓮

**雲錦**

韓

退之云撐舟昆明渡雲錦

紫薇



**薇省**

唐百官志云唐制中書舍人知制誥桃崇

在館改紫薇舍人又曰紫薇省

**絲頭**

劉禹錫云

幾年丹霄上出入金華省暫別萬年枝着花桂  
陽嶺南方足奇木公府成家境紫茸垂組綬金  
縷攢絳穎露溥暗傳香風輕徐就影興生紅藥  
後愛與甘棠並不學妖桃姿浮榮在俄頃

**綬花**

又云明麗碧天霞手茸紫綬花香聞荀令宅艷  
入孝王家幾歲自榮辱高情方歎嗟有人移上  
苑猶足占年華

**疑露**

杜牧之云曉疑瑞露一枝

新不占園林最上春桃李無言又何在向風偏  
笑艷陽人草詔陶強云人言清奈紫薇即草詔  
紫薇花影旁山木不知官况別也隨紅日上東  
廊穠姿李義山云一樹穠姿獨看來秋庭暮雨  
洗塵埃天涯地角同榮謝豈要移根上苑栽

芙蓉

**拒霜** 南方草木狀云芙蓉一名拒霜花樹叢生  
葉大而花甚紅九月霜降時開故名拒霜滅在  
唐地里志云開元二十年築夾城入芙蓉園又

杜牧之云六飛南幸芙蓉苑十里香飄入采城

**錦城**成都記云孟後主於都四十里羅城上種

此花每至秋四十里皆如錦綉高下相照因名

錦城**女御**石林燕語云慶曆中有朝士曉起見

美人三千余麗服靚粧兩兩並馬行觀文丁度

按轡其後朝士念丁素儉約無此姬侍有一人

最後者朝士問曰觀文將宅眷何之日非也諸

女御迎芙蓉館主爾我聞丁卒**雷滄**歸田錄云

石曼卿去世後故人有見者云我今爲芙蓉城

主欲呼故人共遊不諾石忿然騎素驢去  
**艷色**  
韓昌黎云誰開寒露叢遠比水邊紅艷色寧相  
妬嘉名偶自同採江秋節晚寒木古祠空須勸  
類看無令便逐風

菊

**治齋**

爾雅云菊治齋也

**候草**

周處風土記云精

治齋皆菊花莖之別名霜降之時唯此草盛茂  
俗尚九日而用候時之草也

**似薏**

又云菊花與

薏花相似直以甘苦別之耳菊甘而薏苦所謂

苦如薏者也

**菊名**

本草經云菊有筋菊有白菊

黃菊菊花一名節花一名傅公一名延年一名

白花一名精一名更生又云陰威一名朱羸一

名女花其菊有兩種者一種紫莖氣香而味甘

莖葉可作羹爲真菊一種青莖而大作蒿艾氣

味苦不堪食名薏非真菊也

**菊花**

禮記云季秋

之月菊有黃花

**菊水**

風俗通云南陽酃縣有井

谷谷水其莖云其山有大菊水從山上流下得

其滋液谷中居人三十餘家悉飲此水上壽百

二三十中者百餘下七八十者爲天菊華輕身  
益氣故也**五美**鍾會云菊有五美焉黃花高懸  
准太極也純黃不雜后土色也早植晚登君子  
德也冒露吐穎象勁直也流中輕體神僊食也

**升天**

名山記云道士朱孺子吳末人王笥山服

菊花乘雲升天

**得仙**

神仙傳云康風子飲苳菊

花桐實後得仙

**卅法**

抱朴子云劉生卅法用白

菊花汁連汁搜和卅蒸之服一年壽五百歲

**飲**

**菊**

續齊諧記云費長房謂桓景曰九月九日汝

家合有大災厄急縫囊盛菜萸繫臂上登山飲

菊花酒

**一東**

魏文帝本紀云與鍾繇書曰歲往

月來忽復九月九日九爲陽數俗宜其名是月

芳菊紛然榮輔休延年莫斯之貴謹奉一束以

助彭祖之術

**盈把**

續晉陽秋云陶潛九月九日

無酒宅邊菊叢摘盈把坐其側悵望久之見白

衣人至乃王弘送酒即便就酌醉而後歸**餐英**

楚辭云朝飲木蘭之墜露夕飡秋菊之落英**通**

**神**傳玄云布溲河縱橫齊秦撮以織手承以輕

巾服之者長壽食之者通神**凌** **鳳** 袁崧云靈菊

植幽崖擢穎凌寒風春露不染色秋霜不改條

**金英**

王筠云靈茅挺三脊神芝曜九明菊花偏

可喜碧葉媚金英重九惟嘉節炮一應元貞泛

酌宜長久聊薦野人誠**三徑** 陶潛云三徑就荒

松菊猶存**靈和** 左九嬪云英英麗質稟氣靈和

春茂翠葉秋耀金華**雅榮** 陳叔遠云霜間開紫

蒂露下發金英但令逢採摘寧辭獨晚榮**秋榮**

王叔之云蘭既春敷菊又秋榮芳薰百草色難



群英孰是芳草在幽愈馨**照晨**唐太宗云階簡  
凝曙霜岸菊照晨光露濃晞晚笑風勁淺殘香

薔薇

**牛棘**

本草經云薔薇一名牛棘又曰一名牛勒

一名山棗

**金創**

葛洪云薔薇炭末方寸七日三

服之治金創**花露**

香錄云薔薇色紅大食國花

露也五代時藩使蒲河以散十五瓶厥後罕有

至者今則採荊爲之然其水多僞試之當用瓊

璃瓶盛之翻搥數四其泡周上下爲真**題**搥

德與云從叔將軍宅薔薇花開有題壁長句

**題**

**祭**

白居易云裴常侍題薔薇架十八韻見遺因

廣爲二十韻

**罪**

謝朓云低枝詎勝葉輕香辛

自通發萼初攢紫餘采尚霏紅新花對白日故

藥逐行風

**枝軟**

梁簡文帝云燕來枝亦軟風飄

花轉光氛氳不肯去還來階上香

**素萼**

簡文帝

云石榴珊瑚藥木槿懸星葩豈如茲草麗逢春

始發花迴風野紫萼照日吐新芽

**緗袖**

梁元帝

云侶女卷春裾迎風戲玉除近叢看影密隔樹

望釵踈桂枝斜縮袖嫩葉下牽裙牆高攀不及  
花新摘未舒莫疑插髮少分人猶有餘  
**片** 壽 絕  
泉云紅植宜春館霏霏上蘭宮片舒猶帶紫半  
卷未全紅葉踈難蔽日花容易傷風佳麗新粧  
罷含笑拆芳叢  
**醉** 暈 白居易云醉暈淺深粧

菖蒲

**衡** 星 春秋運斗云樞玉衡星散爲菖蒲遠雅頌  
著倡優則玉衡不明菖蒲冠環  
**益** 聰 孝經拔神  
契云菖蒲益聰  
**堯** 非 呂氏春秋云菖蒲又名堯

薤能烏髮**長年**風俗通云菖蒲花食之長年**天**

**精**典術云堯時天降精於庭爲薤感百陰爲菖

蒲焉**昌菹**說苑云文王好食昌菹**昌歠**左傳云

王使周公聞來聘饗有昌歠**留焉**南方草木狀

云番禺東有澗淵中生菖蒲皆一寸九節安期

生服之仙去但留玉烏焉**感鳳**海墨微言云僧

昔寂大好菖蒲房中以菖蒲種成獅子鸞鳳仙

人之狀**不寒**抱朴子云韓叅服菖蒲十三年身

上生毛日視書萬言皆萌之冬袒不寒**當貴**梁

書云太祖后張氏嘗於室內忽見庭前菖蒲花  
光彩照灼非世所有謂侍者曰汝見否曰見后  
曰嘗聞見者當富貴因取吞之是月產梁武帝

**生毛**

抱朴子云仙人韓終服菖蒲十三年身生

**毛王興**

神仙傳云王興陽城人漢武帝上嵩高

忽見仙人長二尺耳出頷下帝問之對曰吾九  
疑人聞中嶽有石上菖蒲一寸九節食之長生  
故來採耳忽不見帝謂侍臣曰彼以此喻朕耳

**紫茸**

謝靈運云新蒲含紫茸又李白云菖蒲花

紫茸

**石茸**

江淹云瓊琴久蕪沒金鏡廢不看不見空閨裏從橫愁思端緩步遵汀渚揚柂泛春潮電至烟流綺水綠桂涵丹憑酒竟未悅半景方自歎每爲夏見及杜若詎能寬冀採石上草得以駐餘顏

**輔性**

又云藥實靈品爰迺輔性除

衛疴福蠲邪養正

**碧節**

杜甫云碧節吐寒蒲

木蘭

**芝生**

古今注云孝哀帝元嘉中芝生後庭木蘭

樹上

**授書**

神仙傳云北海于君病癩見市有賣

藥姓公孫帛因問之公曰明日木蘭樹下當教  
卿明日往授素書二卷以消災救病無不愈者

**題花**

吳錄云張憺為蘇州刺史植木蘭花於堂

前嘗盛開燕客命即席賦之陸龜蒙後至乃連  
酌飲之徑醉強索筆題兩句云洞庭波浪渺無  
津日日征帆送遠人頽然醉倒客讀之皆莫詳  
其意既而龜蒙稍愧續曰幾度木蘭船上望不  
知元是此花身遂為絕唱

**續時**

成公綏云覽眾

樹之列植嘉木蘭之殊觀至於玄冥授節猛寒

嚴烈我我堅冰霏霏白雪木應霜而枯寒草隨  
風而摧折顧青翠之茂葉繁旖旎之弱條抗諒  
節而矯時獨滋茂而不凋**女郎**白居易云紫房  
日照胭脂拆素艷風吹膩粉開悞得獨饒脂粉  
態木蘭曾作女郎來

蘭

**香草**

說文云蘭香草也

**九畹**

楚詞云既滋蘭之

九畹

**同心**

易云同心之言其臭如蘭

**生林**

家語

云芝蘭生於深林不以無人而不芳君子脩道



立德不爲困窮而改節**爲佩**楚詞云紉秋蘭以

爲佩又云秋蘭兮麝蕪又云疏石蘭兮以爲芳

王逸注石蘭香草疏布也**受露**禮記云婦人佩

悅宿蘭則受獻諸舅姑**風敗**文子云日月之欲

明浮雲蓋之叢蘭欲發秋風敗之**十步**說苑云

十步之內必有芳蘭**擷蘭**漢官儀云尚書郎合

香擷蘭**蘭臺**唐書云龍朔中改秘書省曰蘭臺

秘書郎曰省郎**夢徵**左傳云鄭文公有賤妾曰

燕姑夢天使與已蘭曰余爲伯條余而祖也以

是爲而子以蘭有國香人服媚之文公與之蘭而衞之辭曰妾不才幸而有子將不信敢徵蘭乎公曰諾生穆公名之曰蘭後穆公有疾曰蘭死吾其死乎刈蘭而卒

**鼓琴**

琴操云猗蘭操者

孔子所作也孔子聘諸侯莫能任自衛反魯隱谷之中見香蘭獨茂喟然歎曰夫蘭當爲王者香今乃獨茂與衆草爲伍乃止車援琴鼓之自傷不逢時託辭香蘭云

**當門**

蜀志云先主殺張

裕諸葛亮救之先主曰芳蘭當門不得不鋤又

袁淑云種蘭忌當門

**備禮**

晉書云永和九年王

羲之集群賢會山陰之蘭亭脩禊事

**揮帽**

曲江

春晏錄云霍定與友生遊曲江以千金求人竊

貴侯亭榭中蘭花插帽兼自持往羅綺叢中賣

之士女爭買拋擲金錢

**禊除**

韓詩云鄭國之俗

上巳於溱洧兩水相執蘭招菟禊除不祥

**生階**

語林云謝太傅安嘗謂諸子弟曰子弟何預人

事車騎答曰譬如芝蘭玉樹欲其生於階庭云

**爾**

汗漫錄云王維貯慈蘭必黃磁斗養以

綺石累年彌盛**長坂**曹子建云秋蘭被長坂**被**

**泉**阮嗣宗云清露被蘭**泉****被**屋魏文帝云秋蘭

幽**匪****陰****池**傅玄云秋蘭陰玉池池水清且芳雙

魚自踴躍兩鳥時廻翔**悴****柯**鄺炎云靈芝生河

洲動搖因洪波秋蘭榮何晚嚴霜悴其柯哀哉

二芳草不植太山阿**開****路**張正見云披襟出蘭

畹命酌動幽心鋤罷還開路歌喧自動琴華燈

共影落芳杜雜花深莫言閑逕裏逐不斷黃金

**成****芳**後梁宣帝云拆莖聊可佩入室自成芳開

花不競節含秀委微霜

**國香**

顏師古云惟奇卉

之靈德稟國香於自然洒嘉言而擅美擬自操

以稱賢誅秀質於楚賦勝芳聲於漢篇冠庶品

而超絕歷終古而彌傳

**朕庭**

唐太宗云春暉融

紫苑淑景媚蘭湯映庭含淺色凝露滋浮光日

麗參差影風和輕重香會須君子拚佩裏非芬

芳

**谷底**

李白云蘭生谷底人不鋤

**綠艷**

李白云

飛霜早泚歷綠艷恐休歇

芝

**療饑**

史記云四皓避秦隱居南山採芝而歌曰

漠漠高山深谷迤邐曄曄紫芝可以療飢唐虞  
世遠吾將何歸駟馬高蓋其憂甚大富貴之留  
人不如貧賤之肆志乃共隱于地胛山中秦滅  
深入終南山**田廬**孝子傳云賈循母亡將葬芝  
出北牖人以爲瑞**生忍**唐史云安祿山擊契丹  
還奏夢李勣李靖求食於臣乃祠北郡芝生于  
梁**双麟**杜陽編云處士伊初玄於衣帶間出三  
年藥實爲上種於殿前一日双麟芝色一莖兩

穗形似麟頭尾悉具

**玉芝**

舊史云肅宗延英殿

御座梁上生玉芝一莖二花上製虛芝詩

**螢芝**

酉陽雜俎云良常山有螢火芝其葉似草實大

如豆紫花夜視有光食一枚心中一孔明食至

七七孔洞微可書

**玲瓏**

庾肩吾云芝葉正玲瓏

**金華**

庾肩吾云黃金九華發紫蓋六英通

**五雲**

錢起云豈如王殿生三秀詎有銅池出五雲陌

上堯樽傾北斗樓前舜樂動南薰

草

**丹榮**

爾雅云丹百草草謂之榮榮而實謂之英

荻根也

**蘇葍**

又云江淮南楚之間曰蘇自關西

曰草或曰莽南楚江湖之間謂之莽

**豐草**

詩云

湛湛露斯在彼豐草

**霜落**

周書云霜降之日草

木黃落

**歲生**

博物志云黃帝問師曠曰吾欲知

苦樂善樂可知乎師曰歲欲豐其草先生其草

齊也歲欲苦苦草先苦草葍蘆也歲欲惡惡草

先生惡草水燥也歲欲旱旱草先生旱草蒺藜也

歲欲疫疾病草先生病草艾也

**黃精**

又云黃帝



問天姥曰天地所生豈有食之令人不死者乎  
天姥曰太陽之草曰名黃精餌之可以長生太  
陰之草名曰鈎吻不可食之入口立死**虞英**又  
云堯土階三等有草生庭名曰蓂莢草十五日  
以前生一葉十五日以後落一葉若小盡則一  
葉厭而不落**屈佞**又云堯時有一屈佞草佞人  
入朝則屈而指之又名佞人草**如虹**酉陽雜俎  
云山戎有紅草葉如車輪色如朝虹齊桓植之  
以表霸者之瑞**化螢**呂氏春秋云腐草化爲螢

**藉蔴**

五代史陷虜記云湯城淀草軟如茸可藉

以寢

**露澤**

詩云野有蔓草零露漙漙

**薤氏**

周官

云薤氏掌殺草春始生而萌之夏日至而夷之  
秋繩而芟之冬日至而和之

**書帶**

三齊要記云

不其城東有鄭玄教授山山生草薤葉土人名

作康成書帶草

**如指**

漢書云靈帝中平元年東

郡陳留濟陽長垣濟陰諸縣界有草生其莖如

大指狀似鳩爵龍蛇鳥獸之形五色各有其物

毛羽頭目足翅皆具

**蔓菁**

史云謝靈運吟勻不

就忽夢弟惠連即得池漚生春草之句人以爲

**工類人**

晉史云符堅至壽春與符融登城而望

王師見部陣齊整八公山上草皆類人形顧謂

融曰此亦勃敵憮然有懼色

**香齋**

太平廣記云

困客濟陰人嘗植五色香草積十年采其實一

日有五色蛾止其旁客收而畜之至蚕時有女

夜半至自稱客妻道蚕之狀客與俱蚕得一百

二十頭繭皆如瓊

**羅醉**

開元遺事云與慶池南

岸有草數叢葉細心勁有醉者過其旁嗅之立

醒謂之醒醉草

**變**

杜陽編云順宗即位拘彌

國貢變畫草類芭蕉長三尺一莖千葉樹之則  
百步內昏黑如夜始藏百寶匣中上見而怒曰  
皆明向暗之物何貴邪命并匣焚之

**騏驎**

退耕

傳云元和時館閣泐飲待學士者煎麒麟草

**風**

**推**古詩云四顧何茫茫東風推百草

**風**

古詩

云穆穆清風至吹我羅裳裙青袍似春草長條

任風舒

**綠**

梁元帝云依塔疑綠蘚傍渚若青

苔漫生雖欲逼人迹會應開

**藏**

丘遲云發溜

始參差扶堦方沃若雜葉半藏蜻叢花未隱雀  
葳蕤亂碧紫蒼黃間濃薄雨霽劉剛云雨淋三  
春葉風傳十步香映袍怜色重臨書喜帶長換  
色古詩云芳草換野色知勁唐太宗云疾風知  
勁草碧絲李白云燕草知碧絲入簾劉禹錫云  
草色入簾青合綠張祭陽云秋草含綠滋春色  
杜甫云映階碧草自春色翠羽柳子厚云陰草  
濕翠羽

苔

**石衣**

爾雅云薄石衣也郭璞注曰一名水苔一

名石髮水衣

說文云苔水衣也

**海藻**

商越志云

海藻一名海苔或曰海羅生研石上

**石髮**

周處

風土記云石髮水苔也青綠色皆生於石

**綠錢**

廣志云空室無人行則生苔癭或青或紫一名

圓癭一名綠錢

**沒階**

語林云王微字景玄太保

弘之弟子吏部尚書江湛愛其才舉為郎自陳

病篤不受因與湛書告辭絕足不踰閭十有餘

載棲遲於環堵之室苔草沒階

**空閣**

謝莊云陳

思王初喪應劉端憂多暇綠苔生閣芳塵凝榭  
悄焉歎懷弗怡中夜

**鮑參**

江淹云余鑿山楹爲

室有青苔焉意之所之故爲是作嗟青苔之依  
依兮無色類而可芳必居閑而疏寂似幽意而  
深傷

**綠階**

沈約云綠階已漠漠汎水復綿綿微

根如欲斷輕絲似更聯長風隱細草深堂沒綺  
錢縈鬱無人贈歲華徒可憐

萍

**春生**

禮記云季春之月萍始生

**血變**

淮南方畢

術云老血變爲萍注啜血之精至黃泉者**無根**

說文云萍萍也無根萍水而生**藻類**爾雅云萍

萍郭璞云江東謂之藻其大者**蘋菜**陳藏器

云水萍有三種大者曰蘋一名**萍菜****宋祀**詩云

采蘋大夫事能循法所則可以承先祖共祭祀

也**可葷**左傳云蘋蘩蕒藻之菜可羞於王公**水**

**華**本草經云水萍一名水華味辛寒生池澤水

上療暴熱身癢下水氣勝酒**芹**合周處風土記

云萍蘋芹菜之別名也**美菜**呂氏春秋云菜之



美者崑崙之類萍焉南澗詩云于以採蘋南澗

之濱注大者蘋小者萍不死酉陽雜俎云太原

晉祠冬有水底蘋不死食之甚美鴨茵雲林異

景志云載數車萍池中使爲鴨作茵禘得寔家

語云楚王渡江得萍實大如拳赤如日剖而食

之甜似密魚藻南康記云魚朝恩宅有洞房四

壁大安琉璃板中貯江水及萍諸色魚鰕鮫魚

藻洞風約杜甫云風約半池萍守池何晏云轉

蓬去其根流飄從風移芒芒四海涂悠悠焉可

彌願爲萍萍草託身寄清池且以樂今日其後  
非所知

**繡川**

李羣云緊蘋荇荷花組繡一川

**悲**

**流**

劉禹錫云風水悲流萍

類雋卷第二十六終